



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Melos ad illustrem ac generosum Ivlivm Comitem Salmae  
Et Neobvrgi Ad Oenvm. &c.**

**Schede Melissus, Paulus**

**[S.I.], 1578**

**urn:nbn:de:hbz:466:1-12469**



XVII  
9

Th. 5859.





UNIVERSITÄTS-  
BIBLIOTHEK  
PADERBORN

Melos ad illustrem  
ac generosum

IVLIVM COMITEM SALMAE ET  
NEOBVRGI AD OENVM. &c.

FELICIORES sunt aliis aliæ  
Temporibus Musæ. spretus honor jacet  
Interdum earum; nunc in altos  
Splendidior levat ille pennas  
Tractus Olympi: qualis in ætherias  
Remigiis alæ præpes ovans Iovis  
Liberrime se librat auras,  
Fulminis haud metuens trisulci.  
Cuiâ fit istud, dic, operâ? an Genio,  
Aut positu stellarum, aut hominum & Dei  
Fatis, vel æquâ ponderatis,  
Impare vel trutinâ, imputandum?  
An forte culpæ quisque suæ faber est?  
Quôque magis Famam prensat, eo magis  
Illi ipsa vertit terga; sicut  
Fluxa capillitio recalvo  
Fortuna, cæcis fallere imaginibus  
Immeritos gaudens, & variabili  
Exponere irrisos abunde  
Ludibrio, & rudibus cachinnis.

Af

At non laborum viliis inutilium  
Decipitur quondam Chœrilus, inclito  
    Ausus male ortis ac sinistré  
    Verseculis (ut inerudit*i*  
Solent) Alexandro obstrepere improbiter;  
    Stipitibus scribi dorsa betulleis,  
    Regale quam gratis nomisma  
    Dignior accipere hei Philippos.  
Exactiori tu bone censor agis  
Iudicio; ac viros pectoris impetus,  
    SALMAEE IVLI, candidosque  
    Rite cycnos ab inerte fungo  
Atrisque corvis (qua cluet ingenium  
Arte tuum, multis nobile dotibus)  
    Secernis acer: Cilni*j* instar,  
    Regibus Oenotriis creati;  
Cui Plotius, cui Flaccus, itemque Mara  
Et Varius, sua vique ore Propertius  
    Doctas replebant semper ædes,  
    Flos Latij dominæque Romæ.  
Spretos procul se Mevius & Bavius.  
Cernere. Suffenis nil pretij super,  
    Ut nil Aquinis Cæsusque,  
    Et genus hoc aliis ineptis;  
Quorum cicutas nil nisi de trivio  
Arcadicum quiddam stridere inaudias.

Certamen

Certamen at Phryx impudenter  
Marsya cum Clario inchoabit  
Deo. nec absunt, heu, ruditate sonos  
Qui cuculi insuaves turpiter aestiment  
Præstantiores esse dulcis  
Atthidos artifici canore.  
Quonam patrono, quam mea Musa parat  
Suscipere, stabit FR ANCIADOS labor  
Defensus? aut cuius dynastæ  
Præsidium calor invocabit,  
Mentem excitatam non nisi ad arduum opus  
Quotidie inflammans? non ego virium  
Inops, nec a venæ scatébris  
Pauper, Apollineo ve dono.  
Deos Penates, indigenasque Lares  
Conqueror adversos. hi duplicitis mitræ  
Superbientes crine, flocci  
Laureolam, mea serta, pendunt:  
Nescire digni forte, quibus stomachum  
Commoueant. atqui, ceu puto, liberum est.  
Læsis, Menippéi reperta  
Ad satiem pedis emulari.  
Nos si ve plectri Pindarici numeros,  
Seu citharam lenem vatis Horatij  
Sequi, aut Poëtam Mantuanum,  
Mæoniæ ve tubæ canorem

Conabi-

Conabitur : te, quæis potè cùmque modis,  
Magnanime o heros, concelebra vero,  
Tuamque virtutem atque famam  
Perpetuis memoraro sæclis.  
Certè id meretur summa tua & pietas,  
Utiliumque ingens cognitio artium, &  
Doctrina : quæ vel sola magnis  
Te queat æquiparare diuis.

Augustæ Vindelicorum  
A. M. D. XII XC.

P. Melissus Francus,  
Comes Palat. & Eq.  
civis Romanus.

Aug 11. 1611  
Aug 11. 1611  
Aug 11. 1611



REUSNER  
opimus



REUSNER  
OPUSCULUM





Aug 1800  
1800  
1800

Th

5859